

地 240.189
139
部 10:33

卷第五十五至五十六

略
第二十九

金石
二

光緒台州府志

第三十三册

光緒台州府志

黃巖王舟瑤同纂
臨海葉書

金石攷一

黃巖王佩瑤校

昔梁元帝命蘭陵蕭賁撰碑集百卷此蓋集錄碑刻之始其專錄方州者則隋志稱梁有荊州雜碑三卷雍州雜碑四卷廣州刺史碑十二卷至宋歐趙洪陳出攷訂金石遂自名家地志之載碑碣則肇見於朱長文吳郡圖經續記略備於王象之輿地紀勝隸乎我朝其學益盛若京畿山左關中中州江左江右粵東粵西滇南吾浙各有專錄吾郡碑刻始見於集古錄目參寥無幾至復齋碑錄寶刻類編輿地紀勝諸道石刻錄出而較夥至近日黃瑞台州金石錄出乃有專書今以黃錄爲本而補

光緒台州府志卷

金石攷一

台州旅杭同鄉會刷印

其遺正其誤竝增輯有明一代至黃錄例仿洪氏隸釋甄錄全文今以先正碑碣旣閒采其事實入於本傳復輯錄其文字載諸文徵故此僅著其目略爲攷證至吉金古刻始摹其文若甄文則惟載其有關攷證者餘皆不錄其有他書著錄今已不傳者則別爲佚目一卷附焉

後漢

建安銅鏡銘

見人主百生令□□□天下女大同百□五元日子道崇八
二□□勞君子止□□會尊坐陣方□之事日月晶二言也
相想也

建安廿一年正月旨從明鏡李

釋文

見人主百姓

天下安大同百

五六日

道常

勞君子之

會尊坐陣方

之事日月鼎鼎言相

桓也

建安廿一年正月七日作此明鏡大吉

右鏡徑五寸厚二分外層篆書五十字中篆書建安十五字
凡十一方格格徑二分強其廿一日作此大吉八字皆兩字
并格道光十六年與永和六年富君甫篆體甄同出臨海縣
東鄉雙橋古冢中出土後裂爲三今藏郡城宋氏

黃瑞金
石錄
台州

光緒台州府志

卷

金石攷一

二

台州旅杭同鄉會刷印

鏡式圓形穿紐四圍作水中魚首爪如龍殆海馬也

宋經畚
甄文攷

略今案銘文本完無缺因刻畫過淺故不能盡辨

晉

劉氏璧範識

右甄厚二寸一分廣七寸七分高一尺四寸八分左側隸書

反文十九字字徑八分文曰永康元年口口巳未朔廿日戊

寅章安劉氏璧範出臨海縣墩頭村今藏郡城陳氏

台州金
石錄

陳春暉曰晉太康記章安本鄞縣南之回浦鄉太平寰宇記

後漢光武帝時改回浦爲章安縣赤城志回浦在臨海縣東

南一百十九里祥符寺前與章安相近又章安在臨海縣東

一百十五里可見回浦章安皆此處地名因取以名鄉名甄
稱章安紀地名非紀縣名也

運甓錄

黃瑞曰年下泐二字不詳

何月檢晉書五行志是年十一月戊午朔則已未朔蓋九月
甄文攷略釋作己亥以爲埴人之誤偶未詳審耳範字書云
本作范今隸作範甄從升與漢熊君碑合王蔡曰隸書竹升
多無別良然

台州金石錄

建武司馬斷甄識

右甄厚二寸廣六寸下已斷高僅七寸八分左側隸書反文
七字曰建典三年太歲在隱起徑一寸二分背文四行行四
字文同曰建武司馬並隸書徑一寸出臨海縣北山下今

光緒台州府志卷

金石攷一

三

台州旅杭同鄉會刷印

藏洪氏馮登府浙江甄錄著錄洪頤煊曰宋書百官志有建
武將軍魏置此稱建武司馬可補晉志之缺黃瑞曰蜀志劉
封傳帝喜孟達資才授建武將軍宋書遂以爲魏置然攷漢
韓安國王晏並爲建武將軍則不始於魏也資治通鑑元嘉
二十七年宋伐魏建武司馬申元吉引兵趨碭礮又秦始二
年晉安王子助起兵尋陽建武司馬劉順說豫州刺史殷炎
使應尋陽姚鼐筆記謂晉書趙王倫有三部司馬乃是以勇
士爲衛美其名曰司馬猶近世執杖者名校尉非官也

錄

台州金石

吳思功造甄識

右甄厚一寸八分廣五寸八分高一尺六寸一分左側十七字曰咸和五年太歲丙寅七月廿三日吳思功作右側十四字曰郡太守孔縣令羊右尉番朋年番同上端二字曰唐寵並隸書反文出臨海縣東鄉濫田之檀胡嶺今藏郡城陳氏陳春暉曰成帝咸和五年歲在庚寅此作丙寅匠者誤也五字作王疑造坏既多土填其型未及洗剔耳口太守孔縣令羊右尉是紀守土者姓名如咸康甄之時令方和遠臨海郡太守口載令魏在同一例又番朋年番同紀二人姓名不復書官職太守令尉志乘無攷運覽黃瑞曰右側首一字似郭又似郡釋郭者曰郭太守孔縣令等凡五人釋郡者曰郡太

光緒台州府志卷

金石攷一

四

台州旅杭同鄉會刷印

守孔姓云云而明年米五口蓋祝歲豐之意又思功二字或釋作申仁作思仁作迪式作思式者唐字微泐宋氏釋作咸孫詒讓曰此當是太守姓孔縣令姓羊番朋年二人乃右尉姓名耳台州金石錄

張令周造甄識

右甄厚二寸四分廣七寸二分高一尺四寸四分左側十四字曰咸康四年八月廿日孤子張令周造下端五字曰時令方和遠並隸書隱起出仙居馬洋今藏臨海陳氏案漢孔廟禮器碑兩側題名左側有時令漢中南鄭趙宣字子雅是甄文亦其例方和遠嘉定志及康熙府縣志俱脫載台州金石錄

富茂藏造甄識

右甄厚二寸二分廣四寸六分高約一尺三寸八分左側十字曰咸康七年八月十日富茂藏作右側十字曰臨海郡太守口載令魏在下端三字曰太歲辛並隸書反文隱起出臨海縣東鄉濫田村上截陳氏藏下截洪氏藏惟盧鴻年有全甄經咸豐寇變失去假陳宋兩家著錄補足其文惟守下一字無從復補據盧氏搨本左曰咸康七年八月十日富蓋右與左倒曰臨海郡太守口載令魏在一方甄上下端曰作太歲辛丑一梳形甄曰太歲在辛丑同甄異范凡三品皆正書無反書者惟此品反書左右不相倒宋經畬曰富蓋或字

光緒台州府志

卷

金石攷一

五

台州旅杭同鄉會刷印

茂藏載爲太守之名而缺其姓魏在似臨海令姓名也赤城志晉郡守有陸萬載終秘書郎疑即其人

台州金石錄

章孟山造甄識

右甄厚一寸八分廣四寸五分高一尺三寸左側文曰永和十年太歲在寅右側文曰八月二日章孟山作上有魚形下端文曰宋領校時俱隸書正文惟孟字反文字徑一寸二分在臨海縣東鄉濫田村今藏郡城陳氏案通志職官略晉左右校署屬少府令丞各二人左校掌營繕採材右校營土作瓦泥并燒石灰厠溷甄官署令丞亦二人掌甄瓦事與甄文正合疑吾台當時搏埴之工亦必有官司所掌宋時人姓名

彼時方隸其職如義熙甄稱抗中書方建元甄稱抗騎尉仁壽甄稱吳中書求中書之例台州金石錄案盃字不知何字惟漢益州刺史李盃初神祠碑與此頗相似當作孟字宋領校時當作甄之日即宋領校作官之時非領校名也前有時令方和遠文可證

樂安令程氏墓甄識

右甄凡二品俱隸書十一字文同曰晉故樂安令鉅鹿程氏之墓一厚一寸三分廣四寸六分已斷不完高僅七寸八分晉字徑一寸餘徑七分出臨海義城秀溪藏臨海洪氏台州金石錄洪頤煊曰臨海縣南十五里小溪近人耕地得墓甄文云

光緒台州府志卷

金石攷一

六

台州旅杭同鄉會刊印

云宋書州郡志樂安令晉康帝分始豐立此必令鉅鹿人卒於官葬於此地惜不著其名台州札記一厚一寸六分廣六寸高一尺二寸五分字徑一寸二分出臨海縣合旂常樂寺後山僧取甃墳首今尚存十餘品與上甄同甄異范秀溪合旂相去一百四十餘里其文結銜姓氏無一不同知當時程氏分葬臨海不一其地然究未審是一是二也台州金石錄楊晨曰石尚可移何況甄甃所出何地多據土人傳言若其後人分葬不應仍題晉官王詠霓曰寰宇記引顧野王輿地志云晉穆帝永和三年分始豐南鄉置樂安縣與沈志不同案杜氏通典亦作永和三年則顧氏之言似覈於休文矣康帝立二年

而殂號建元穆帝改元永和赤城志言康帝永和三年蓋誤
合沈志輿地志爲一

隋

普賢境界四字摩崖

右摩崖高七尺廣五尺字縱三尺一寸衡二尺一寸正書無
款識在天台山修禪寺前石壁上釋傳燈天台方外志以爲
智顗書黃瑞台州金石錄失訪

幽溪二字摩崖

右摩崖高三尺字縱一尺二寸衡一尺四寸正書無款識在
天台山高明寺隔溪古廟後石壁上方外志亦以爲智顗書

光緒台州府志

卷

金石攷一

七

台州旅杭同鄉會刷印

黃錄失訪

定惠塔院瓦題字

右瓦厚八分廣七寸二分斷缺左高一尺四分左右高二寸四
分行書二行徑一寸五分左右行上闕存六字曰寶低巾省銘
重右行上闕存七字曰乍禪林定惠塔院鐫有僧六舟題記
云道光十三年冬臥樓得此于天台山不勝狂喜六舟觀并
記行書二十三字舊藏臨海洪氏洪瞻墉跋云案嘉定志院
在天台縣北二十三里隋開皇十七年建僧智顗葬焉龕前
置雙石塔號定惠眞身塔院國朝大中祥符改額眞覺則是
瓦爲隋開皇時物無疑慧與惠通不言定慧眞身塔院省文

也台州金石錄

唐

二十八宿并甄識

右甄凡十二品時代不同曰惠帝壬子壬子是元康二年不用年號而用廟號於茲僅見曰元康對方有夏家二字篆書陽文藏金銘之家浙江甄錄家作冢曰中元四年中元後漢明帝年號然祇二年殆即元會運世六十年爲小元以甲子上中下推之是晉懷帝永嘉四年也藏陳春暉家曰永和十年八月十五日對方有斜眼直條櫛紋下有臨海太三字曰永和十年八月卅日孝子余儉藏郭翰家曰番紀開宋鴨子

光緒台州府志

卷

金石攷一

八

台州旅杭同鄉會刷印

今人無不知者藏侯服家曰太明三年口月丙寅朔十八日

藏董煒家曰永寧二年八月五日章祿所作

案是甄浙江甄錄作章祿所

作台州金石錄據宋氏藏作章祿所作無據字以馮氏未細案

曰齊隆昌元年四月廿七日

任夫之廓反文

郭協寅臨海續志稿

案永初甄文曰萬歲延年益壽之

郭郭通槲太元廿二年文曰卜氏之槲此又作廓並通俗字

洪氏倦紡甄拓識語

曰建元四年口月五日漢武帝晉康帝俱以建元

紀年此甄不類漢製康帝盡二年其爲齊高帝紀元無疑藏

陳春暉家

台州金石錄

曰建元二年九月作右方文同建元爲漢

武帝初紀元東漢安帝東晉康帝蕭齊高帝並同是甄與元康等甄同出一井爲晉爲齊不可知浙江甄錄作典午時物

近似甄文攷略郭協寅曰郡城西墅許宅井是二十八宿井之一
 即舊志所稱在西南隅淨土寺者是也後寺廢夷爲住宅井
 中所甃甄年號不齊若謂甄爲砌井而作斷不如此紛雜且
 臨海太孝子余番紀聞又將何說蓋穿井在唐武德時兩山
 古墓圻爲城址甄甃星散作者取以甃井焉

銅虎符款


光緒台州府志

卷

金石攷一

九

台州旅杭同鄉會刷印



釋文

左屯衛銅虎符五

昌平府

合同

右符重一兩陽面背刻左屯衛銅虎符五七字半文腹刻昌平府三字前足刻合同二字並篆書陰文陰面前膊刻左屯衛三字腹刻昌平五三字並正書陰文出黃巖縣西鄉田中今藏朱游家王詠霓跋曰隋書百官志煬帝改領軍府爲左右屯衛所領名羽林舊唐書職官志左右屯衛龍朔二年改爲左右威衛據是則此符當是龍朔以前物又案太宗貞觀十年分天下爲十道置府六百三十四皆有名號而關內二百六十有一皆以隸諸衛凡發府兵皆下符契州刺史與折衝勘契乃發此符款識昌平府三字蓋當時府名自府兵變爲驍騎而唐之兵制不可問矣

台州金石錄

光緒台州府志 卷

金石攷一

十

台州旅杭同鄉會刷印

大唐故冠軍大將軍代州都督上柱國許洛仁妻襄邑縣君宋氏夫人墓誌并序

案卷中碑志用劉清黎金石續錄例照錄全題無題者依篆額

右墓誌高一尺四寸廣一尺三寸八分無篆額文正書十七行行二十字字徑五分無撰書人姓名其墓在長安城西龍首原此石未知何年出土畢氏關中金石記未箸錄道光初臨海宋世瑩令扶風時購歸今藏宋氏洪頤煊曰洛仁碑額題大唐故口口大將軍代州都督許公之碑與此誌結銜正同洛仁以龍朔二年薨春秋八十有五夫人卒年春秋九十有九洛仁陪葬昭陵夫人窆於龍首原誌不詳其薨年姑附龍朔之後墓誌作墓誌他碑未見

平津讀碑記再續

今案許洛仁世

緒之弟新唐書附見世緒傳

梁家塚甄識

右甄厚二寸廣六寸六分長一尺三寸左側六字曰萬歲登
封元垂上端三字曰梁家塚並正書反文隱起徑一寸五分
出臨海西鄉丹山里獅狴山今藏臨海洪氏

出臨海西鄉丹山里獅狴山今藏臨海洪氏

石台錄州金

郭協寅

曰明高資深梁伯純墓表云始祖時習世居開封力學登第
魏武帝時任并州刺史封關內侯晉武帝初復仕於台遂家
焉生太學博士世遠世遠生河南尹士昭士昭生南陽太守
瑞瑞生冲冲生丹陽尹明明生始興尹勤勤生南陵令武武
生唐廣州刺史耀耀生翰林承旨朴朴生監察御史鼎鼎生

常至宋有志道者官司理觀察臨海縣志時習世遠士昭耀
至道等墓俱在邑西三十里鯉魚澳按與今出輒地毘連此
輒不言爵與名或朴或鼎或常難以臆定台州述聞黃瑞曰萬歲
登封爲武后第八改元垂字即武后新製字是歲三月又改
萬歲通天輒不紀月當在正二月間洪氏又有一輒左文同
無梁家塚三字宋氏有全輒亦無此三字輒文攷略謂出自
海鄉鱸頭村知梁氏散葬各鄉多矣台州金石錄

述台
聞州

黃瑞曰萬歲

萬歲通天輒不紀月當在正二月間洪氏又有一輒左文同

無梁家塚三字宋氏有全甄亦無此三字甄文攷略謂出自

海鄉鱸頭村知梁氏散葬各鄉多矣

石台錄州金

太唐齊侯公磁尊銘

吳大澂開戶卅七歲次己卯五月壬辰朔三日癸亥分藏鈔
本寶全式△其是為景二乳關用舍

釋文

維大唐開元廿七年歲次己卯五月壬辰朔三月齊侯公藏錢十貫金三百其萬年子子孫孫永寶用言

右尊口寬底窄旁有三耳今缺其二高一尺二寸口周四尺四寸徑一尺三寸八分底徑五寸五分脣鐫篆書銘文四十字字長一寸至五分不等同治辛未三月臨海縣義城鄉人楊氏掘土得之南山蟹鉗頭山麓面覆銅鏡文已漫漶錢皆開通元寶約符銘數金則無矣出土時尊裂爲三後歸郡城金氏裹以鐵葉尙可摹拓齊侯公不知何人王棻曰戎即十字蓋倣式式爲之白即百字

台州金石錄

案元作尺廿作世皆僞

光緒台州府志

卷

金石攷一

十二

台州旅杭同鄉會刷印

體

龍興寺塔甄識

右甄左側有龍興寺三字上端有唐天寶三載龍興寺塔甄十字俱正書陽文甄厚二寸廣六寸二分下斷長僅七寸出郡城巾子山今藏宋氏案嘉定志龍井在巾子山西麓舊傳龍伏於此常有雲氣騰空後建浮圖鎮之而止今西麓有二塔未知孰是據此甄當另有龍興寺塔陳篋窗時已就湮矣

甄文攷略

案歐陽修龍興寺碑跋云中宗復位天下州郡皆置龍

興寺一所而舊唐書本紀云神龍元年二月丙子諸州署寺觀一所以中興爲名而不稱龍興得此甄可以證本紀之誤

嘉定志龍興觀在縣東北三里唐神龍三年建沈佺期爲記
後廢案志不載龍興寺亦因廢久失攷甄文攷略舉建塔鎮
龍井事疑寺以此得名蓋未深攷也

桐柏觀頌殘碑

上闕

暮合響作

下闕

采以混成鎮厚地而
又出者三書之石記
迎斯息微我練師
散大夫襄州刺史
事科錄救戒博綜

光緒台州府志卷

金石攷一

十三

台州旅杭同鄉會刷印

墨之工文章之美
叶而堯之用心寄
心來智以藏往
天下貴況與
至人無爲玄明
德惠以
通莫與
我皇唐如

右碑爲唐祠部郎中崔尙撰翰林學士慶王府屬韓擇木八
分書明皇正書題額天寶元年三月立見集古錄目案金石

錄寶刻叢編通志金石略輿地碑目寶刻類編並著錄唐文粹嘉定志亦載其文杜詩尚書韓擇木騎曹蔡有鄰開元以來數八分宋胡融題是碑詩云游戲翰墨場八分獨奇絕遙噉秦邈鈍近鄙伯喈拙又云碑硯挾風霜鐘鐃粲成列今玩其用筆瘳勁少淪所稱信不誣矣明都穆金薤琳琅載此碑僅闕廿四字可知彼時尚見完石至萬歷間釋傳燈輯山志則云在妙山碑仆三截中截猶存案妙山在天台縣城東隅去桐柏三十里莫知徙碑之由後佚去黃氏金石錄失訪光緒乙未重得之山下池畔僅存七十餘字今爲陳氏所藏大唐故清河張夫人墓誌銘并序

光緒台州府志

卷

金石攷一

十四

台州旅杭同鄉會刷印

右誌銘高一尺五寸七分廣一尺五寸四分無篆額題一行撰書銜名一行序十三行行十九字字徑六分銘四行行二十二字字徑五分並正書宏農楊暄撰外孫子聳彭城劉釵書宋世榮曰釵當是釗字夫人歸于閭氏碑題不書夫姓且稱夫人號威德又不著其名與字皆操筆之疏末署外孫太清刻字不書其姓碑稱一女適白氏則太清白姓也碑新出土余購於長安農家今移歸臨海

古銅爵書屋金石文

洪頤煊曰誌稱

夫人以貞元八年二月廿八日終於京長安縣義寧里之私第又言次子庭珍右羽林宿衛邠州節使尚書張獻甫奏赴行營遂忠於國孝不並行當是歿於陣也新唐書張獻甫附

見張守珪傳檢校工部尚書貞元四年代韓游瓌領邠寧節度使

讀碑記再續

黃瑞曰兩唐書外戚傳有楊暄官太常卿戶部

侍郎附見其父國忠傳碑無結銜可證未知即其人否劉釵

釵字字書無之宋氏謂當是釵非也或爲釵字變體

台州金石錄

台州隋故智者大師修禪道場碑銘并序

右碑高七尺一寸廣三尺三寸五分額篆書修禪道場銘六字橫列字徑三寸四分文二十四行行四十七字正書徑一寸一分舊在天台山大慈寺今移陷塔頭真覺寺壁右補闕翰林學士梁肅撰朝散大夫台州刺史上柱國高平徐放書陳修古篆額

五字在篇末行底

唐元和六年

輿地碑目作二年

十一月十二

光緒台州府志卷

金石攷一

十五

台州旅杭同鄉會刷印

日僧行滿建寶刻叢編通志金石略輿地碑目寶刻類編並箸錄案大慈寺即智顗修禪道場智顗及建碑僧行滿事蹟具方外傳王氏昶曰撰者梁肅唐書傳字敬之一字寬中世居陸渾建中初中文辭清麗科累授左拾遺不赴杜佑辟淮南掌書記召爲監察御史轉右補闕翰林學士然碑有門人安肅之語是當從事佛門奉湛然爲師傳所未及也書者徐放唐書無傳衢州府志名宦稱放字達夫元和九年爲衢州刺史此碑當元和六年官台州刺史也篆額者陳修古無攷案智者以開皇十七年逝至立碑歲爲元和六年共得二百十五年碑云一百九十餘載者當由撰文在元和六年以前

金石叢編

洪氏頤煊曰碑云自上元寶應之際此邦寇擾新唐書

本紀乾元元年八月辛未台州人袁晁反廣德二年十一月癸丑袁晁伏誅李光弼傳浙東賊袁晁反台州建元寶勝以建丑爲正月殘剽州縣光弼遣麾下破其衆於衢州廣德元年遂禽晁浙東平即其事

平津讀碑記

案王氏昶言此碑文不可

辨者十餘字依齊氏方外志要增注於旁今取舊藏拓本校之僅闕第三行載字第四行事字餘字俱隱隱可辨十四行左溪下一字方外志作及字黃瑞謂求之文義未安洵然今

緝視之其訖筆處頗似教字然文義亦未安唐文粹載是碑中多異文第十四行所闕字作以文義爲順蓋文粹据梁補

光緒台州府志

卷

金石攷一

十六

台州旅杭同鄉會刷印

闕集甄錄係其後改定本故與石刻不同碑稜碑陰俱有摹刻前未經人拓出今爲俗僧陷壁壞牆略審碑稜皆刊字內各名利僧名更探碑陰得數十字有唐興縣丞口口司倉朱口皆唐時職官舊志所未收者

瓊臺元和十四年摩崖

右刻高三尺廣二尺強六行每行字數剝落不可計字徑二寸五分正書左讀在天台桐柏山瓊臺後岡文曰唐元和十四年歲在己亥九月中書甲子之期其後略空復有文二行剝落不可讀可辨者依左讀右行土清紫房金闕口左行道口王闔口口黃氏金石錄失訪案寶刻叢編引復齋碑錄有